

Djuda kute memā pi'ôk no'ôk ne ja.

Jeju kamy 'õbê ne Djuda. Nãm ar aben djàkam nõ. Jeju kumrëx kato nhym tûmràm Xijagumẽ Djudadjwŷ Marij kurũm kato. Kute amim Jeju mar kêt ne kam tûmràm tu amim markumrëx. Birãm Jeju akubyn tñ kôt ne tu amim kuma. Ne kam Jeju nhõ me jao ba. Ne kam arkum pi'ôk no'ôk ne. Nãm Ar kubê me 'êxnhĩ pyma. Me 'êxnhĩ amijo Metîndjwŷnh kabën jarênh djwŷnh ne me kute Jeju marmẽ abenkam bikâr ne ate ajte memā 'êx ban arïk ar ban memā mÿjja punu'ã àpnênh ba. Nhym kam Djuda arkum,

—Kati, Metîndjwŷnh amrëbê kute me axwemã o pãnhja pumü. Dja ï prîne me jadjwŷo bikênh mex ne. Be, ar ga dja gar Jeju'ã angrà tÿx nhym Metîndjwŷnh dja ar arôrôkbê ar akukrà garaku'ê tÿx. Nãm ã Djuda arkum ane.

¹ Ba ibê Djuda. Ibê Jeju Kritu nhõ àpênh. Ibê Xijagu kamy. Ba ne ba pi'ôk no'ôkkam ar amã ikabën jarë. Metîndjwŷnh, me Babãm arÿm amijo ar apytàn amimexo ar ajo mex nhym Jeju Kritu amim ar apytär mex ne ar ajo ba.

² Gê Metîndjwŷnh tu kum ar akaprí:kumrëx* ne kum ar ajabê:kumrëx gar adjumar mexo amû amikamën arÿm adjumar mexkumrëx ne.

* ^{1:2} Djãm ar ga ne gar adjukaprí nhym pãnh arÿm kum ar akaprí Kati. Ar ga ne gar adjukaprí kêt. Ta ne tu kum ar akapríkumrëx.

Me kute axwe'ã memã àpnênh.

A Ped 2.1

³ Akmere, àpnhîre ar, Metîndjwînh ne kute Krituo me bakunî pytâr. Nâ bâm amibêx ne bit ije ar amâ 'ã pi'ôk no'ôko inhýrmâ. Ba nhýn arým me kute ar anoo biknor prâmjâ man amim,

—Kati. Dja ba arkum me kute ar noo biknor jarê. Ne arkum, “Wânh ne me ar akwÿ anoo biknoro ba. Kritu ne gwaj bamâ amijâ ujarênh pydjin arê gwaj babê Kritu nhô me ja baje mar pydjimâ nhym me arým 'êx. Ne kam ta amijo Kritu mar mex ne arîk kupa'ã ar amâ 'ã ujarênh punun ar anoo biknoro ba. Me kute ar anoo biknoro baja dja gar me 'ano djan mä akabêno me ity gê me anhikrê.” Nâ bâm ã amikabëñ maro anen arým ar amâ arê.

⁴ Me kute ar anoo biknorja ne me kum Metîndjwînh kînh kêt ne amipdjur mex ne ar akôt wangijn ar amê akà. Nâm me amakkre kêt ne ar amâ,

—Ar râ'än aben prõ, aben mjêñ kupê. Gêdja Metîndjwînh ate krã. Arým ne tu kum ar akaprîn ar amâ ajaxwe kêt jarênhkumrêx. Nâm me ã ar amâ ane. Ne kam arým Bënjaduwyr djwînh japry. Kubê ne Metîndjwînh. Nâm me Metîndjwînh pydji japry. Ne ajte Bënjaduwyr djwînh bê Kritu japryñ ar'ã memâ kum,

—Djäm mrämri ne Kritu ar ba? Kati. Nâm me 'êx, ane. Amrêbê me kêttri ne Metîndjwînh arým me ja'ã amim karõ. Me biknor tokry djàmâ kute me anormâ ne me'ã amim karõ.

Apýnh me tûmre djâri jaxwe'ã ujarênh.

Mat 7.21; A Ped 2.3; Dju k 3.6

5 Ba ar amā me kwȳ biknor'ā ajarē gar ama. Gar te arȳm aje me'ā ujarēnh mar ba ajte ar amā me'ā ajarē gar ama.

Be, Bēnjadjwȳr djwȳnh arȳm pykabē Edjitu kurūm mebē idjaero katon me utà. Ne kam arȳm me amakkre kēto akno. Me kute amim mar kētjao akno.

6 Nhym Metīndjwȳnh kadju mrānh djwȳnh jaxwedjwȳ arȳm àpēnh djà kanga. Nām me amijo àmra ban àpēnh djà kanga nhym pānh arȳm me biknor tokry djàkam me kumēn arȳm akamàt kô tykkam mebē ijē. Nām mebē ijē tÿx kute mrāmri ne me kute kàxiràxo me uwprekam kute mebē ijē tÿxja pyràk. Õ akati rax me'yr bôx kadju mebē ijē. 'Ātūm nhym Metīndjwȳnh kute memā axwe pānh jarēnh djà nhō akati me'yr bôx kadju.

7 Krīraxbê Xôtômamē Gomoramē bu'ā krīdjwȳ, kam me axwe ne me prō djwȳnh, mjēn djwȳnh kupa'ā ari abeno ngjêxo ba. Metīndjwȳnh kute me ipêx kupa'ā ne me my ta kute abeno ngjêx prāmkumrēx nhym me niredjwȳ ta kute aben kupênhō ikwā prāmkumrēx. Me baje amikajmâtā me mar kadju ne Metīndjwȳnh arȳm memā axweo pānh. Kuwyo memā o pānh nhym kam kuwy meo ajkamuw nhym me mrāmri arȳm biknorkumrēx.

8 Me kute me anoo biknor prāmjā ne me me ja kôt axwe. Nām me biptiro ikwān arȳm amijo àpnun amibu'ā meo àpnū. Ne kum me bēnjadjwȳr kurēn kàjkwakam me rūnh'ā kabēn punu.

9 Be, Mīgeubê ne Metīndjwȳnh kadju mrānh djwȳnh raxja. Djā ne Mīgeu Xatanajmā kabēn punu jarē? Kati. Amrēbê: ne me bakukāmāre

Môjdjê arȳm ty nhym kam Mîgeum  Xatanaj ar Môjdj  nh '  aben maro dja. Dj  ne kam Mîgeu tu kum kab n punu jar ? Kati. N m kum,

—G  Met ndjw nh ta am  akij, ane. Jabit ne ar .

10 Nhym be, me kute ar anoo biknor pr mja ne me tu m jja'  kab n punu ba. Me kute me mar k tkam ne me tu me'  kab n punu ba. N m me mry djumar dj o umar. Mry kute amidjw nhbit mar ne tu ar ba. Nhym me mry k t kute amidjw nhbit mar ne tu ar ban arȳm k t amijo  pnu.

11   wat re, Met ndjw nh dja me biknor tokry dj kam me kur . Amr b : ne me bakuk m re Ka  axwe:. Nhym me kute ar anoo biknor pr mjadjw  ne me Ka  k t ar amijo ba. Amr b : ne me bakuk m re Bar o kum n kr x pr mje tu me noo aknon meo ajk . Me kute ar anoo biknor pr mjadjw  ne me Bar o k t kum n kr x pr :m ne ar anoo biknoro ba. Amr b : me bakuk m re Kore ne kute amijo rax pr :m ne arȳm b njadjw r  kab n punu ba. '  kab n punu ba:n kam arȳm akuno. Me kute ar anoo biknor pr mjadjw  ne me Met ndjw nh'  kab n punu ba. Dja me '  kab n punu ba:n   arȳm Kore k t me biknor tokry dj kam akuno. Met ndjw nh'  kab n punuk t arȳm akuno.

Me kute me noo biknorja me ro'  bik r.

A Ped 2.13

12 Ar am  aben jab kam gar aro'  ar anh  kw  kr no akr . Nhym me kute ar anoo biknorjadjw  ne me pij m k t ne arȳm ar aro'  aku. Ar ak nhkumr xo akr  nhym me arȳm amipunuo ar ajo  pnu. Ga, me k  mexkam ngr  kute o punuja

pumū. Me kute ar anoo biknordjwŷ ne me ã ar ajo àpnuo ane. Amipunu ã me ajo àpnuo ane. Nhym me te: me kabẽn mex jabej mekam ama:n arȳm kapr̄ire ne. Ga, kôk djàbêrkam kakrã kakrãtyk ba kajgoja pumū. Nhym me te: na bixadjwŷrkam aman kam arȳm kapr̄ire ne. Me kute ar anoo biknordjwŷ ne gar ã mekam akapr̄io ane. Nãm me kajgo kute mrãmri ne pidjô kunî ô kumexkam ja pydji ô kêt ne ãm pyràk. Pidjô tu tykkumrêx nhym me arȳm kraxmë arêmë ro'ã kaba. Nãm me kute uràk ne tu kajgokumrêx. Dja me arȳm me biknor tokry djàkam akuno.

13 Nãm me ta ar ba kute mrãmri ne ngô djàkrêkam ngô djàkà ari aben pymjyr pyràk. Ga, ngô djàkrê apêx nhym arȳm akàxkam mÿjja punu kumexja pumû. Nãm me kabẽn punu jarênh o ino re nhym me arȳm pijàm ne, kabẽn punukam pijàm ne. Me kute ar anoo biknor prãmja ne me arïk ba nhym me te: kute mekôt katât amijo bamã. Me kute mrãmri ne kanhêtire arïk ba pyràk nhym me te: kute omûnh mex ne kute 'ã amimrãnh jakremã. Metindjwŷnh ne arȳm amim me axweja pãnh'ã karõkumrêx. Akamât kô tyk pytikam dja me kurë. Dja kam akamât kô tyk rã'ã nhym me kator këtkumrêx.

14-15 Adão ar amikam kra jadjuw nhym arȳm abatanh ne. Abatanh ne arȳm amikam kra jadjuw. Kra jadjuw nhym arȳm abatanh ne. Abatanh ne arȳm amikam kra jadjuw. Ne amû aben nhijuk'ã kra jadjwŷro tê:. Adjwŷro tê:. Adjwŷro têm tãmtã kam arȳm 7'yr o bôx. Aben nhijuk'ã krakam kra'ã akren arȳm 7'yr o bôx. 7'yr o bôx nhym me arȳm krajamã Enoki jarê. Enoki ajte me kute me noo

biknorja'ā memā kum,

—Ē, Bēnadjwŷr djwŷnh dja Met̄indjwŷnh nhō me ja krāptī: kubê 10.000mē ro'ā bôx. Ne kam arȳm me kum Met̄indjwŷnh kīnh kêtja kunīmā axwe pānh jarē. Apŷnh me àpênh jaxwe djari pānh memā arē. Met̄indjwŷnh'ā kabēn punuja kunī pānh memā arē nhym me arȳm amijaxwe ma. Nām ā me bakukāmāre Enoki memā ane.

¹⁶ Me kute me anoo biknor prāmja ne me bēn prīkam kabēn ban apŷnh mȳjjā'ā kabēn punu prā:m. Me kute amidjwŷnhbit markam ne me kum apŷnh mȳjjā punu prām ne kôt ar amijo ban amijo àmrati ba. Ne kam me õ nêkrêx kumex pumūn amim,

—Ba gêt tāmwā kôt ar amijo iba. Ne kam arȳm inhō mȳjjā kumex ne kôt irax. Nām me ā amim anen kam kum me õ nêkrêx ngrireja kīnh kêtkumrēx. Me kum me õ nêkrêx kumexjabit kīnho ba.

Me kute Jeju markumrēx djàpênh'ā memā karō.

¹⁷ Akmere, àpn̄hīre ar, ar ga dja gar atemā amijo tē. Bēnadjwŷr djwŷnhbē Jeju Kritu kute ar anorja dja gar ar kabēn mar tŷx. ¹⁸ Nām ar arȳm me'ā ar amā ajarē. Me kute ar anoo biknor prāmja'ā ajarē. Nām ar ar amā,

—Dja Jeju bôx 'yr nhym me arȳm gwaj bajaprŷ:o ba. Dja me amidjwŷnhbit man kum mȳjjā punu prām ne kôt ar amijo ba, ane.

Kritu kute ar anorja ne ar ā ar amā ane. Dja gar ar kabēn mar tŷx. ¹⁹ Me kute ar anoo biknor prām ja ne me abenbē me kurêo ba. Ne pykakam

mŷjjakôbit amijo ba. Nhym Metîndjwŷnh Karõ kute meo ba kêtumrêx.

²⁰ Akmere, àpnöhre ar, ar ga dja gar atemã amijo tẽ. Kritu kabẽn mexkumrêx. Tãm dja gar tu amim markumrêx ne amim kabẽn maro tẽ:n amû maro amikamẽn mar rax ne. Metîndjwŷnh Karõ dja gar aman Metîndjwŷnhmã akabẽn aba nhym Karõ arŷm ar akôt o kangõ.

²¹ Metîndjwŷnh kum gwaj bajabê. Ar gadjwŷ dja gar amã abê rã'ã ne 'ã adjukanga kêt. Ne Bënjadjwŷr djwŷnhbê Jeju Kritu jabej ajkam ama. Ta dja bôx ne kum gwaj bakaprïkumrêx gwaj kôt batñ ne ar baba rã'ã: rã'ã ne.

²² Me kwŷ kute amim Jeju mar kêtja dja gar amã me kaprïn 'yr me o akëxo tẽ gê me tu amim markumrêx. ²³ Nàr, dja gar ano katon me axwebê me kwŷo akëx. Me kwŷ kute amijo punu mexja. Me ja on biknor karõ dja gar memã ano katon me axwebê meo akëx. Kute mrämri ne me'õ kuwykam ãm nhym me kum kaprïn kam no kator ne kute pa 'amŷnh ne bõm mënþ pyràk. Dja gar me punu kôt ar apunu'õ pymaje amijã ano tÿx ne.

²⁴ Metîndjwŷnh ne kute amim ar apytâr mexkumrêx gar kam ajmã akute kêt ne katât ar amijo aba rã'ã ne. Metîndjwŷnh ra:x nhym me kum uma:. Dja amimexo ar ajo mex gar arŷm ajaxwe kêt. Nhym kam arŷm amikabem ar apumuwn arŷm prïne ar ajo kĩ:nhkumrêx. ²⁵ Me Batîndjwŷnhbê ne me bapytâr djwŷnh. Pydji kute mŷjja kunî mar ne krã me:xkumrêx. Ba kum,

—Mrämri ame:xkumrêx ne apyma:kumrêx.
Araxo abê kumkatikumrêx. Me kunî:mã
Abënjadjwŷr djwŷnhkumrêx. Ajity:xkumrêx.

Amexmē apymamē abēnjadjwȳrmē atȳxmē ne
ga aje 'ã aminhinomā amimēnh kētkumrēx, ane.
Gē me kunī ã Metīndjwȳnhmā ane. Tām ne ja.

Metīndjwŷnh Kute Memã Kabẽn Ny Jarẽnh New Testament in Kayapó (BR:txu:Kayapó)

copyright © 2012 Wycliffe Bible Translators, Inc.

Language: Kayapó

Translation by: Wycliffe Bible Translators, Inc.

Kayapó [txu], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kayapó

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

x

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
385317df-3c6a-53ac-81db-0815750ed560